



უკუღკვირეული საპოლიტიკო, სამეცნიერო და სალიტ. გაზეთი.

№ 23.

26 ოქტომბერი 1908 წ.

ფასი 10 კაპ.

ფინანსი: მეთაური.—პრესა.—ინტერნაციონალის კრება, მინერისა.—სახელმწიფო ღუმე.—სხვა და სხვა ამბები—ჩვენში.—
ქუთაისში.—რუსეთში.—მონგოლები, ავტორისა.—ლექსი, ბ. პელაშვილისა.—მნათობთა ჩივილი, ლევ. მეტრეველისა.—თეატრი და
მუსიკა: სახაზინო თეატრი, მ.-წილისა. ავტორის აუდიტორია, პარანასისა. სომხური წარმოდგენა, არტემიუსისა.—წერილი რედაქციის
მიმართ.—განცხადებანი.

● თფილისის საკრებულოს დარბაზში ●

კვირას, 2 ნოემბერს

ლე-პცივის უნივერსიტეტის სტუდენტი მიახილ
წულუაძე რუსულ ენაზე წაიკითხავს ლექციას
შემდეგ თემაზე:

„უმთავრესი მიმართულებანი

თანამედ რვე ხელოვნებაში“


(სკულპტურა და მხატვრობა).

●● ხელის მომწერთა საპუბლიკო ●●

„ჩვენი კვალის“ რედაქცია სთხოვს იმ ხელის
მომწერთ რომელთაც

ვადა გაუთავდათ, შემოიტანონ ფული,

წინააღმდეგ შემთხვევაში გაზეთი მოესპობათ.



სახელმწიფო ღუმის გახსნის გამო.

ამ თვის 15-დან, როგორც იცით, უკვე გაიხსნა
სახელ. ღუმის ახალი სესია, კვლავ იწყო მოქმედება
რუსეთის, „მადლობა ღმერთს, პარლამენტმა“. პრესა
და საზოგადოება, მართალია უხალისოთ და თითქოს რაღაც

ნაძალადევის ინტერესით, მაგრამ მაინც დასტრიალებს ერთ საკითხს: ესლა რაღა იქნება, რას გააკეთებს სახ. ღუმე ამ ახალ სესიაში და ან, საერთოთ რითი გათავ-დება მისი არსებობა?

ერთნი—უმრავლესობა—იმ აზრისა არიან, რომ ახალი სესია იგივე იქნება, რაც იყო წარსული სესია; რომ სახ. ღუმე ერთიანთ შთაინთქება აუარებელ, იმ წვრილმან კანონ-პროექტებში, რასაც მას მთავრობა ასე გულმოდგინეთ აწვდის, და ამ რიგით, არაფრისაგან არაფერს უნდა მოველოდეთ. ამ შეხედულებას თითქმის სავსებით ადასტურებს მესამე სახ. ღუმის მთელი წარსული და ამჟამად და აგრეთვე ამ დღეებში ბ-ნ სტოლიპინისაგან ხომიაკოვისადმი მიწერილი ეპისტოლე, სადაც მინისტრთა კაბინეტის თავმჯდომარე „პარლამენტის“ თავმჯდომარეს „უზიარებს“ თავის შეხედულებას იმაზე, თუ რა წეს-რიგით უნდა წარმართოს სახ. ღუმე თავისი საკანონმდებლო მუშაობა ამ სესიაში. „პრემიერ-მინისტრი ბ-ნ ხომიაკოვს უთითებს მრავალ წვრილმან კანონ-პროექტებზე, როგორც მეტათ საჩქარო და სახელმწიფოსათვის დიდად მნიშვნელოვან საქმეებზე.

ჯიუტი ოპტიმისტები მაინც იმ აზრისანი არიან, რომ სახ. ღუმე თავის არსებობას ვერ ჩააღრმავებს ამ ფუქსავატ და წიკა-მაკო პროექტების მორევში, რომ იგი თვით ცხოვრების ლოლიკით იძულებული გახდება წამოაყენოს და ასე თუ ისე გადაწყვიტოს კიდევ ქვეყნისთვის ისეთი ძირითადი და მნიშვნელოვანი საქმეები, როგორიც არის აგრარული საკითხი, ადგილობრივი თვითმმართველობისა და სასამართლოს რეფორმა, მოქალაქობრივ თავისუფლებათა დამყარება და სხ. თავის თავად ცხადია, რომ ადრე იქნება თუ გვიან, სახ. ღუმე მხარს ვერ აუჭევს აღნიშნულ საკითხების განხილვას. ცხადია, თვით მესამე ღუმე იძულებულია ანგარიში გაუწიოს ცხოვრების ლოლიკას. ამას კარგათ მოწმობს ის გარემოება, რომ სესიის გახსნის უმაღლეს ღუმეში მიიღო შეკითხვა, რომელიც პასუხსა სთხოვს მთავრობას პეტერბურგის „გრაფონაჩალინიკის“ „უკანონო მოქმედების“ შესახებ. პეტერბურგის „გრაფონაჩალინიკი“ რომელიმე მიყრუებულ დაბა-ქალაქის ბოქალური არ არის, მის „უკანონო მოქმედებაზე“ შეკითხვის წამოყენებას უეჭველათ აქვს პავლსაჩინო პოლიტიკური მნიშვნელობა და მასთან განსაკუთრებული მნიშვნელობაც; რადგან ხსენებულ „გრაფონაჩალინიკის“ „უკანონობა“ ჰხდება თითქმის ყოველ დღე რუსეთის იმპერიის მთელ სივრცე-სივრცეზე.

მაგრამ, ისიც ექვს გარეშეა, რომ მესამე სახ. ღუმე ვერც ერთ საჭირ-ბოროტო საკითხს ვერ გადასწყვეტავს ისე, რომ იმპერიის მრავალ მილიონ ხალხს რამოდენიმე მაინც დაკმაყოფილებულთა ჩათვალონ თავიანთი საარსებო მოთხოვნილებანი. დღევანდელ ღუმის მესვეურნი მხოლოდ რამდენიმე ათას მსხვილ მემამულეთა მოციქულები არიან და რათქმა უნდა ვერ იქნებიან წარმომადგენელნი იმ მრავალ მილიონ გატანჯულ ხალ-

ხთა, რომელნიც უაღრესათ გასკველულნი არიან დემოკრატიული სულით.

მაშ, რას გააკეთებს ეხლანდელი ღუმე? ამ საკითხზე ამ დღეებში ერთ ქართველ მწერალმა ქალმა ასე უპასუხა: „არაფერს. ხალხის წარმომადგენელნი და მთავრობა იმ ადგილან აქამომდე გაბუტულ ცოლ-ქმრის როლს თამაშობენ, იმ ცოლ-ქმრისას, რომელთაც ერთმანეთი ჭირივით ეჯავრებათ, მაგრამ, რაკი შავბედს შეუ-უღლებია, მაინც ერთ ქერ ქვეშ ცხოვრობენ და ავითათუ კარგათ მიაჩანალებენ ჯაგლაგ ცხოვრებას“. აქ მოსწრებულათ არის გამოხატული დღევანდელი ვითარება, მაგრამ არაფერია ნათქვამი იმაზე, თუ რა იქნება ხელო. მოყვანილ სტრიქონებში უფრო ჩაქსოვილია ის საერთო სადღესო პესიმიზმი, რომელიც შავათ ჩამოზნელებულ პოლიტიკურ ცაზე ველარ არჩევს ნათელ წერტილს. მაგრამ, პოლიტიკური ვითარება უბრალო გამოხატულებათ საზოგადოებრივ ძალთა განწყობილების, უკანასკნელი კი მუდმივ ცვალებადობის პროცესშია, რადგან ცხოვრებამ არ იცის ერთ ადგილზე შეჩერება და გაყინვა. მაშ, დღევანდელი პოლიტიკური ვითარებაც წარმავალია. რუსეთი დღეს ჯვარედინ გზაზე დგას, ერთი გზა მიდის ძველი რეჟიმისაკენ. ამ გზას აფარია ადამიანთა ძვლებით აქოლილი უზარმაზარი ბელადი; მეორე გზა მიდის კონსტიტუციისაკენ. ეს არის ერთათ ერთი გზა, რომელზედაც უნდა შედგეს რუსეთი. ამ მხრივ რას გააკეთებს მესამე ღუმე?

ზემოთ უკვე შევნიშნეთ, რომ იგი ვერ გადასწყვეტს ვერც ერთ საქვეყნო საჭირ-ბოროტო საკითხს. და ეს არც არის მისი დანიშნულება. უკანასკნელი ზედ მიწევნიტ გამოსტქვა ოქტომბრისტმა კაპუტინმა, როცა მან სესიის გახსნის წინა დღეებში განუცხადა ერთ ჟურნალისტს: „ჩვენი (მესამე ღუმის) მიზანია უზრუნველყოთ კანონიერება, მშვიდობიანობა, დაწყნარება და წესიერება; ნამდვილი სახალხო წარმომადგენლობა, მხნე და ენერგიული (mustigerqiltige) ღუმე მომავლის საქმეთა“. მესამე ღუმე რომ ხანგრძლივათ ვერ უზრუნველყოფს სიწყნარეს, ეს ცხადია იქიდან, რომ მას არ შესწევს უნარი ძირითად რეფორმების გასატარებლათ. მაგრამ ის კი სრული სიმართლეა, რომ მესამე ღუმის ისტორიული დანიშნულებაა უზრუნველ ჰყოს „კანონიერება“, ე. ი. ძველი რეჟიმის თვითნებობისა და ძალმომრეობის ადგილას გაამეფოს კანონი, თუნდაც ეს უკანასკნელი ქვეყნის ბატონ პატრონობას ანიჭებდეს მხოლოდ მსხვილ მემამულეებსა და კაპიტალისტებს. დღეს ფაქტიურათ ყველგან ძველი რეჟიმი ბატონობს. მთავრობა მუდამ იმის ცდაშია, რომ თავის საკუთარი უფლებები, რაც შეიძლება მეტათ გააფართოვოს, ხოლო ღუმის კომპეტენცია კი მეტათ შეაღწროვოს. მთავრობა იმასაც კი არ ერიდება, რომ გზა აუქციოს ღუმის აშკარა დადგენილებას. გაიხსენეთ მაგ. ჯავშნიან გემების აშენების საკითხი, რკინის გზების ობლიგაციებზე გარანტიების მიცემა ღუმის დაუკითხავათ და სხ. ასე რომ

თიც მოჰყავს. ვთქვით, რომელიმე ჯგუფმა მოიწადინა ბერძნულ თეატრის პრინციპების აღორძინება; თუ ეს ჯგუფი თავისუფალ კავშირს შეადგენდა თანამოაზრე ძალებისაგან, ადვილათ მოახერხებდა სათეატრო საქმის მოწყობას თავის საკუთარ გემოვნებაზე; მაგრამ თუ მოუცდიდა ნაციონალურ სეიმის გადაწყვეტილებას, შეიძლება მისი განზრახვა ვერასოდეს ვერ ღირსებოდა განხორციელებასო.

ღიბ, ასე შეიძლება მოხდეს, მაგრამ საკითხი ის არის, თუ ნოვატორებმა რათ უნდა მოუცადონ ნაც. სეიმის ანუ „საზოგადოების“ გადაწყვეტილებას, თუ კი ცნობილია, რომ ეს უკანასკნელი მათ წინააღმდეგ იქნება მიმართული? თანამედროვე სახელმწიფოთა ცხოვრება ნათლათ ჰმოწმობს, რამდენათ უქმია თვით ამ საკითხის დაყენება. ყოველთვის, როცა კი ესა თუ ის ახალი აზრი თუ რაიმე დაწყებულია ვერ პოულობს მთავრობისა და პარლამენტის თანაგრძნობას, ახალი აზრის მატარებელნი არც ერთს და არც მეორეს აღარ მიმართავენ ხოლმე დახმარებისათვის; ისინი უმაღლეს ადგენენ თავისუფალ საზოგადოებას და საკუთარ ძალღონით იწყებენ გზის გაკაფვას. მოგვხსენებათ, რომ ყოველ თანამედროვე სახელმწიფოში, სადაც კი დამკვიდრებულია პოლიტიკური და მოქალაქობრივი თავისუფლებანი, მიუხედავად იმისა, რომ მთელი ნაციონალ-კულტურული საქმე სახელმწიფოს ხელშია, მაინც ყოველნაირი საზოგადოებანი სრულიად თავისუფლათ არსდებიან და მოქმედებენ კიდევ, იქ აკრძალულია მხოლოდ ისეთი საზოგადოებანი, რომელთაც მიზნათ ექნებათ ისეთი რამ საქმე, რაც აშკარათა ლახავს საყოველთაო ზნეობას. ასე, მაგ. აკრძალულია საზოგადოება, რომელსაც მიზნათ ექნებოდა მამათ-მავლობა, მრავალ-ცოლიანობა და სხ.

თუ ასეა საქმე თვით თანამედროვე სახელმწიფოებში, ცხადია იგი უარესათ არ იქნება არც ნაციონალ-კულტურულ ავტონომიის დროს, და—მით უფრო—არც ჩვენს გეგმაზე შეცვლილ წ.-კ. საზოგადოების დროს, რადგან ამ საზოგადოებას არ ექნება სახელმწიფო ორგანიზმის არავითარი იძულებითი ხასიათი. ცხადია, რომ „ამირანი“-საგან ჩვენს წინააღმდეგ მოყვანილი მოსაზრებანი სრულიად უსაფუძვლოა.

გაზ. „ამირანი“ ჰგონობს, რომ ჩვენს გეგმას რაღაც მზგავსება აქვს ნაციონალ-კულტურულ ავტონომიის ორგანიზმთან და იგი სწერს:

„რამდენათაც მიუხედავად, ჩვენ კვალს“ თავის აზრის საბუთათ მიაჩნია ანალოგია ნაციონალურ ავტონომიის და მისთან განზრახულ გეგმით შეცვლილ წ.-კ. საზოგადოების შუა. ჩვენის ფიქრით, აქ არავითარ ანალოგიას არა აქვს ადგილი“.

ვითომ რატომო? „ამირანი“ გვიპასუხებს, რომ ნაციონალურ ავტონომიის სეიმი ანუ სათათბირო, საკანონმდებლო ორგანიზაციაა, ხოლო „საზოგადოება“ კი „ნებაყოფლობით თანხმობაზე დამყარებული კავშირიაო“. ეს, რასაკვირველია, ჭარბადია, მაგრამ დასახელებული განსხვავე-

ბა რომ არ ყოფილიყო, მაშინ „საზოგადოებასა“ და ნაციონალურ სეიმს შორის იქნებოდა სრული იგივეობა. „ამირანისაგან“ ანალოგიის უარსაყოფელათ ნაჩვენები განსხვავება კი ჰხადებს სწორეთ ანალოგიას (მზგავსებას). „საზოგადოების“ დადგენილებათა შესრულებას არ მფარველობს და არ სდარაჯობს გარეშე, საზოგადოებრივი იძულება, რომელიც თანა სდევს კანონს; მაგრამ აქ, ამ იძულების მაგიერობას ეწევა საზოგადოებრივი აზრი. თუ მაგ., ეს უკანასკნელი ჩვენში და საზოგადოთ, ჩვენი კულტურული ვითარება იმ დონემდე იქნებოდა აწეული, რომ „წ.-კ. საზოგადოებისათვის“ ზურგის შექცევა, ანუ წევრობაზე უარის თქმა ყველას თვალში თავსლათ დასხმულ, სამარცხვინო საქმეთ გამოცხადდებოდა, მაშინ, ექვი არ არის, ყოველი სრულწლოვანი ქართველი „წ.-კ. საზოგადოების წევრი“ გახდებოდა და ჯეროვან ზნეობრივ წვლილსაც შეიტანდა მის მოქმედებაში. აქ შერცხვენის შიში იმავე შედეგს იძლევა, რასაც —სახელმწიფო თუ საერობო მოთხოვნების დროს—ჯარიმებისა და დაპატიმრების მუქარა. საქმე მხოლოდ ის არის, რომ არც საზოგადოებრივი აზრი და არც საერთო კულტურული ვითარება არ არის აღნიშნულ დონემდე ასული და ამიტომაც, კარგათ გვესმის, რომ თუნდ უნაკლულთაც განხორციელდეს ჩვენ მერ წამოყენებული გეგმა „წ.-კ. საზოგადოების“ ორგანიზაციისა, „საზოგადოება“ მაინც ვერ შეიძლებს ვერც მესდეს იმისას, რის გაკეთების უნარიცა აქვს ნაციონალ-ტერიტორიულ თუ ნაც. კულტურულ ავტონომიის ორგანოებს. მაგრამ, ჩვენს გეგმაზე შეცვლილი „საზოგადოება“ გაცილებით უფრო მეტს შეიძლებს, ვინემ ხელიდან გამოუვა ღღევანდელ „საზოგადოებას“.

„ამირანი“ კი განაგრძობს ანალოგიის უარყოფას:

„ნაციონალურ სეიმს შეუძლიან მხოლოდ სხვა და სხვა საკითხის გადაწყვეტა და არა ამა თუ იმ საქმის (ე. ი. გადაწყვეტილების) ასრულება (უბანგალა—ბანგალა!), რის გაკეთებასაც სეიმი გადაწყვეტს, იმის აღმასრულებელი—დაქორავებული მოხელეა. საზოგადოება კი რაიმე საქმით დაინტერესებულ პირთა თავისუფალი კრებულია, რომელნიც თავის წრიდან ირჩევენ სხვა და სხვა საქმის აღმასრულებელს. ეს პრინციპილური სხვადასხვაობაა“.

ახირებულია თქვენმა მზემ! ნაციონალურ სეიმს და „საზოგადოებასაც“ რომ თავთავისი აღმასრულებელი ორგანოები მოეპოვებათ, ეს თავისთავათ ცხადია; და თუ „საზოგადოება“ თავისავე წრიდან ირჩევს საქმის აღმასრულებელთ, სამაგიეროთ „შეიძლება ნაციონალურ სეიმის აღმასრულებელი ორგანო—სამინისტრო თუ გამგეობა ანუ მთავრობა პასუხის-მგებელი იყოს სეიმის წინაშე, რაიც იმას უდრის, რომ სეიმი თვითონვე ირჩევდეს თავის წრიდან საქმის აღმასრულებელთ. მთელ განსხვავებათ, მაშასადამე, ის ლა დაგვჩა, რომ ერთ შემთხვევაში „აღმასრულებელნი“ ჯამაგირით არიან, მეორეში კი —უჯამაგიროთ. მაგრამ არც ეს შეადგენს რაიმე პრინციპილურ განსხვავებას. მოგვხსენებათ, რომ თვით ღღევანდელ წ.-კ. საზოგადოებას მოეპოვება „და-

ქირავებული, ჯამაგირიანი მოხელე“, და რომ ერთ შვენიერ დღეს „საზოგადოების“ ბიუჯეტი მილიონებათ გადიქცოდეს და მისი საქმეებიც იმდენათ გართულდებოდეს, რომ მისი წაყვანა მოითხოვდეს სპეციალურ კაცებს, მაშინ ექვი არ არის, გამგეობის ყველა წევრებს ჯამაგირები დაენიშნებოდათ და ამით „საზოგადოების“ დღევანდელი ბუნება, თუ პრინციპიალური ხასიათი, ოდნავაც არ შეიცვლებოდა.

გაზ. „ამირანი“ ასე აბოლოვებს ნაც. სეიმსა და „საზოგადოების“ შორის არსებულ განსხვავებათა აღწუსებას:

„საზოგადოება დამყარებულია თანხმობაზე, სეიმი კი—ეროვნულ ენობაზე; საზოგადოება არის ორბანიზაცია საქმიანობისა, სეიმი კი—არის ორგანიზაცია თვით ხალხისა“.

ეს მხოლოდ სიტყვების „თამაშია“ და მეტი არაფერი! მართალია ნაც. კულტურული ავტონომია დამყარებულია ეროვნულ ენობაზე, მაგრამ ამ უკანასკნელს განსაზღვრავს არა რაიმე ობიექტური ნიშანი თუ გარეშე იძულება, არამედ ნებაყოფლობითი თანხმობა. თავისუფალი განცხადება ადამიანთა, რომ იგინი ეკუთვნის ამა თუ იმ ეროვნებას. ასე, რომ ორივეგან ერთი და იგივე საფუძველია—თანხმობა. გარდა ამისა, ყველამ იცის, რომ ნაც. კულტ. ავტონომია თუ მისი სათათბირო ანუ სეიმი, წარმოადგენს სწორეთ ხალხის ორგანიზაციას, რომლის მიზანია სწორეთ განსაზღვრული საქმიანობა.

„ამირანი“ თვითონაც კარგათა გრძნობს, რომ ნაციონალურ ავტონომიასა და ჩვენ მიერ განზრახულ გეგმით შეცვლილ წ.-კ. საზოგადოების შუა არსებობს დიდი ანალოგია და რომ აქ ხშირათ სრულიათა იკარგება პრინციპიალური განსხვავება და აი, სწორეთ ეს არის ნაშედეგი მიზეზი, რისთვისაც „ამირანი“ წინააღმდეგია ჩვენგან წამოყენებულ გეგმის. „ამირანს“ ნაციონალურ ავტონომიაზე ცუდი წინასწარი აზრი ჰქონია შედგენილი. იგი სწერს:

„ექატერინატრიალურ (ნაციონალ კულტურულ) ავტონომიას „ჩვენი კვლის“ რედაქციაც პრინციპ ალურათ ემხრობა. სწორეთ ესაა მიზეზი, რომ ამ გაზეთის გეგმით წ. კ. საზოგადოება მთელ ქართულ კულტურსა და მანათლებლის ცენტრათ უნდა გადაიქცეს. ეს ჩვენ სასურველათ არ მიგვაჩნია“.

რატომ არ მიაჩნიათ სასურველათ? „ამირანი“ გვიპასუხებს: „ამ ჯურის ავტონომისტები ვერა ჰხედვენ, რომ ასეთი ორგანიზაცია კულტურას წინ კი არა, უკან დასწევს“.

რატომ? „ამირანს“ მთელ არგუმენტათ მხოლოდ ის უსაფუძვლო მოსაზრებანი მოჰყავს, რაც ჩვენ უკვე განვიხილეთ ზემოთ.

* *

კლასთა ბრძოლის პრინციპი.

„ამირანს“ ტანში აერიალებს მარტო ერთი წარმოდგენაც კი იმაზე,

„ვითომც კლასთა ბრძოლის პრინციპის მოხმარება იყოს საჭირო ისეთ სახალხო კულტურულ დაწესებულების

ასპარეზზე, როგორც ჩვენი წერა-კითხვის გამავრცელებელი საზოგადოება“.

რასაკვირველია, დიდი ლარი და ხაზი არ უნდა იმის დამტკიცებას, რომ დღევანდელ წ.-კ. საზოგადოების ასპარეზზე კლასთა ბრძოლის პრინციპის გადაქარბებულ ბეჯითობით წამოყენება, ძალიან ხშირათ შეიძლება გათავდეს ფარსით. ყოველ შემთხვევაში იგი დიდი მანძილით ვერ გასცილდება იმგვარ „ბრძოლას“, როგორც არის „საზოგადოების“ წევრთა ერთმანეთზე დატაკება პავლეშა აკობიასა და სოსო სტალარის წიგნაკებით. მაგრამ, რაუ „საზოგადოების“ შედგენილობა და დანიშნულება იმ ზომამდე გაფართოვდებოდა, როგორც ეს დასახულია ჩვენის გეგმით, მაშინ, ექვი არ არის, ამ „საზოგადოების“ სამოქმედო ასპარეზზე მეტი ადგილი ექნებოდა კლასთა ბრძოლის პრინციპს; პოლიტიკური პარტიები უფრო მეტის უნარით დაუპირდაპირებდნ ერთმანეთს თავ-თავიანთ, განსხვავებულ თვალთახედვის წერტილს და უფრო მეტ სამოქმედო ენერგიასაც აამუშავებდნ. ყველა ამით კი მოგებული დარჩებოდა თვით „საზოგადოება“.

ასე არ უყურებს საქმეს „ამირანი“. მისი აზრით, კლასიურ თვალთახედვის წერტილის გამეფება კულტურულ საქმეში უეჭველათ ნიშნავს თვით ამ საქმის დაღუპვას. მისი აზრით, „ყველაფერს თავისი ადგილი აქვს, სხვათაშორის კლასთა ბრძოლასაც“. და ამიტომაც, „სახალხო კულტურულ დაწესებულების ასპარეზზე“ „ამირანი“ კლასიურ პოლიტიკას „წინათაც და ახლაც სასტიკათ და ნათლათ უპირდაპირებს საყოველთაო, სახალხო, უკლასო პოლიტიკას“.

გაზ. „ამირანს“ ეტყობა კლასთა ბრძოლა თავის ადგილას მიაჩნია მხოლოდ ფაბრიკა-ქარხანაში, სადაც ბრძოლა სწარმოებს უმეტეს ნაწილათ „კუჭისა“ და „ჯიბის“ საქმეებისათვის; კლასთა ბრძოლას ალბათ ადგილი უნდა ჰქონდეს აგრეთვე წმინდა პოლიტიკურ ასპარეზზე, როცა ჯერი მიდგება საარჩევნო ხმების შოვნაზე და დებუტატების არჩევაზე; ხოლო ისეთ „პაეროვან საქმეში“ კი, როგორც არის აზრებისა და გრძნობების სამეფო, კულტურული დაწესებულებანი, კლასთა ბრძოლის პრინციპის შეტანა წმიდა ტაძრის შებლაღვა იქნებოდა და მთელი საქმის დაღუპვას მოიტანდაო. გაზ. „ამირანს“ ამ შემთხვევაში ან კლასთა ბრძოლის პრინციპის აღიარება მუშტი-კრივის გაპრინციპებათ ეხატება, და ან იგი სიმართლის წინაშე განზრახ თვალს ხუჭავს, რათა უფრო ადვილათ დაუმიზნოს და უფრო მარჯვეთაც მოახვედროს ნიშანში ამოღებულ ადგილს. მართლაც, უნდა გვახსოვდეს, რომ კლასთა ბრძოლა არა მარტო პრაქტიკულ მოქმედების დებულებაა, იგი უწინარეს ყოვლისა ცოცხალი ფაქტია ჩვენი საზოგადოებრივ ცხოვრებისა და იგი ძირითადი და დამახასიათებელი ფაქტია ამ ცხოვრებისა; უიმისოთ თვით ამ უკანასკნელის გაგება შეუძლებელია. კლასთა ბრძოლის მივიწყება ნიშნავს თვითონ ჩვენი ცხოვრების მთელ შინაარსის მიფუჩეჩებას და სრულ გაუგებრობას. მაგრამ რაკი

ცხოვრების სინამდვილე მუდამ თავს გვადგას მთელი თვისი სისასტიკით და მუდამ გადაჭრით ითხოვს ჯეროვანი ანგარიში გაეწიოს მის გარდაუვალ მოთხოვნებს! აი, ამიტომ კლასიურ საზოგადოებაში „საყოველთაო, სახალხო, უკლასო პოლიტიკა“ არ არსებობს და არც შეიძლება არსებობდეს. და ვინც ამ „უკლასო პოლიტიკის“ ზაირადს აფრიალებს, იგი, უეჭველია, ნებით თუ უნებლიეთ, ზურგს აქცევს გაყვლეფულ დაჩაგრულთა კლასს, მუშა ხალხს და ბეჯითათ ცმსახურება გაღალღებულთა კლასს, ბურჟუაზიას.

* *

ამხ. „ცენტრალისტები“.

ჩვენს უკანასკნელ წერილში „იმედელ“ მოკამათებისადმი, შევნიშნავდით, რომ ნაციის კულტურული აღორძინება თავის თავით კი არ არის მუშათა საქმის წინ წაწევა, არამედ იგი ნიშნავს ამისათვის მხოლოდ „უკეთესი პირობების შექმნას“. ამის შესახებ გაზ. „იმედი“ (№ 9, მეთაური წერილი) აცხადებს, რომ ჩვენ ამით მივეცით ახალი „განმარტება“, ე. ი. შევცვალეთ პირველი ჩვენი აზრი გამოთქმული „ჩვენ კვალის“ № 18-ში. ნამდვილათ კი, პირველათვე, ჩვენს პირველსავე წერილში სწორეთ იგივე სტრიქონები სწერია, რაც ეხლა მოვიყვანეთ. (იხ. „ჩვენი კვალი“ № 18) ასე რომ აქ აზრის შეცვლა და ახალი „განმარტება“ კი არ არის, არამედ სიტყვა-სიტყვითი განმეორებაა.

გაზ. „იმედი“ იმავე მეთაურ წერილში აცხადებს, ვითომ „კვალელები“ „სათანადო პროპაგანდას“ ეწეოდნენ **მარტო** (ხაზი „იმედისა“) იმ მიზნით, რომ დაჩაგრულ ნაციებს აქედანვე შეეგნებინონ „ნაციონალურ თვით არსებობის დაცვის უაღრესობა“; ვითომ „ჩვენი კვალის“ ჯგუფს გამოჰქონდეს „პოლიტიკური პროგრამა, რომელსაც მიზნათ **მხოლოდ ნაციონალურ თვით არსებობის დაცვა აქვს** (კურსივი „იმედისა“).

წინადადებას ვაძლევთ გაზ. „იმედს“ დასახელოს „ჩვენი კვალის“ თუნდ ერთი სარედაქციო წერილი ანუ რომელიმე თუნდ ხელმოწერილი სტატია, საიდანაც შეიძლებოდეს ზემო აღნიშნული აზრების გამოყვანა.

იმავე გაზ. „იმედმა“ ამ დღეებში მოათავსა რ. ა.-ს სამი ფელეტონი, რომელიც წარმოადგენს ჩვენი საქამათო საგნის ანტიკრიტიკას. ამაზე შემდეგ მივცემთ მოკლე პასუხს. აქ კი შევნიშნავთ, რომ რ. ა.-ს მთავარი არგუმენტი ჩვენს წინააღმდეგ მოყვანილი, პიტალო სიყალბეა. იგი სწერს, ვითომ ჩვენ ის აზრი გამოგვეთქვას, რომ ავტონომია არის **ერთით—ერთი** საშუალება მუშათა კლასის გაცნობიერებისა და მის ძალთა ორგანიზაციის გასაადვილებლათ. აქ ხაზ გასმული სიტყვა მეფელეტონის ბრტყალებში მოყავს და თან აღნიშნავს ჩვენ წერილსა და გაზეთის №-ს, საიდანაც ვითომ იგი ამოიღებულობა. ნამდვილათ კი, აღნიშნულ ადგილას („ჩვენი კვალი“, № 18 გვ. 282) თეთრზე შავით სწერია, რომ ავტონომია ჩვენთვის არის **ერთ—ერთი** საშუალება და სხ. ერთ-ერთი, ე. ი. ერთი მრავალთაგანი; ერ-

თათ-ერთი კი ნიშნავს ისეთს, რომლის გარეშე სხვა აღარაფერი არ მოიპოვება.

თუ ამხ. „ცენტრალისტებს“ ჩვენს წინააღმდეგ სხვა იარაღი აღარ მოგვპოვებათ გარდა სიყალბე-პაღლოვისა და სხ. ამისთანებისა, ცხადია ისინი ნაციონალურ საკითხში თავს ძალიან ცუდათ უნდა ჰგძნობდნენ.

ინტერნაციონალის კამბა.

(წერილი ბრიუსელიდან.)

ეს მეორეჯერ არის, რომ შემთხვევა მქონდა დავსწრებოდი ინტერნაციონალის კრებას ბრიუსელში; პირველათ ეს იყო ამ ორი წლის წინათ, როდესაც მაროკოს ავანტიურამ ევროპის ორი ბუმბერაზი სახელმწიფო: საფრანგეთი და გერმანია კინალამ ერთმანეთს არ დაატაკა; ინტერნაციონალმა თავისი ავტორიტეტული სიტყვა წარმოსთქვა და საფრანგეთის და გერმანიის მსუნაგ-შოვინისტურ ბურჟუაზიას თავ-ზარი დასცა, მან მაშინაც განსაცდელისგან დაგვიხსნა; მაშინ ლაპარაკობდნენ ინტერნაციონალის ისეთი ბუმბერაზები, როგორიცაა ჟორესი, ბებელი, ვანდერველდი და სხვა; დღესაც, ევროპის პოლიტიკური ცა მოკუპრულია ბალკანეთის ამბებით. და თუ, ვინიცობა, დაიქექებდა საერთაშორისო ომი, მაშინ ვის დააწვებოდა თავზედ ყველა ეს ამბები მთელი თავისი სიმძიმით? რალა თქმა უნდა, მშრომელ ხალხს და ამისათვის ინტერნაციონალს, როგორც მშრომელი ხალხის ინტერესების დამცველს და მისი სურვილების გამომხატველს, უნდა ეკუთნოდეს გარდამწყვეტი ხმა. ეხლანდელი ინტერნაციონალი ძალაა; ევროპის ბურჟუაზია იძულებულია ამ ძალას ანგარიში გაუწიოს; ინტერნაციონალი ლაპარაკობს, დიპლომატიამ მას უნდა მოუსმინოს, მეტი გზა არა აქვს.

ბალკანეთის შესახებ მკითხველმა უთუოდ იცის საქმის ვითარება და მე აქ სიტყვას არ გავაგრძელებ, ვიტყვი მხოლოდ, რომ ახალგაზდა კონსტიტუციონალურ ოსმალეთს ყოველმხრიდან დავსიენ და უნდათ ლუკმა-ლუკმა დაწიწწონ: ევროპის რეაქციონერებს ეხარბებათ რომ თავისუფალი, ახალგაზდა ოსმალეთი გადაიქცევა ძალათ და ამ ძალის ეშინათ ევროპის შოვინისტებს, მათ უნდათ თავის ეგოისტურ მიზნისთვის ახალგაზდა, ჯერ კიდევ ნორჩი კონსტიტუციონურ ქვეყანას რამე ჩამოგლიჯონ და ამნაირათ, ახალგაზდა ოსმალეთის რევოლუციონური სული ჩააქრონ, მათი ნაციონალური გრძნობა შელახონ და განახლებული ოსმალეთი რეაქციონერების და შავ-რაზმელების ხელში ჩაადგონ.—აი, ეს არის თავ-სატეხი და ვინ იცის, შეიძლება ყველა ამ გარემოებამ ომი გამოიწვიოს სახელმწიფოებთა შორის; ინტერნაციონალს ეხლა კიდევ ზემოეორეთ გარდასწყვეტი ჰქონდა ის, თუ რა ზომებს უნდა მიმართოს პროლეტარიატმა, რომ ომი თავიდან აიშოროს და როგორ უყურებს საზოგადოთ ინტერნაციონალი ნაციონალურ ავტონომიებს. სანამ კრების რეზოლუციებს გადმოგცემდეთ, მგონია მეტი არ იქნება მკითხველს

მოგზაურობის დროს ამ შეკითხვას და განაგრძო: „ეს (ბოს-ნია-ჰერცეგოვინის საკითხი) ისეთი საკითხია, რომლის შესახებ უთუოთ უნდა გამოითქვას საზოგადოებრივი აზრი. ეს საზოგადოებრივი აზრი, შეიძლება, უფრო ძლიერა იყოს და ნაკლებ შეცდომებიც გამოიჩინოს, მან, ვიდრე მთავრობის ოფიციალურმა დიპლომატიამ. იმ საყურადღებო პოლიტიკურ მომენტში, რომლის მოწამენიც დღესა ვართ, ხმა მაღალი და ერთსულოვანი აღიარება საზოგადოებრივ აზრისა მთავრობის, რომელსაც მიზნათ აქვს ეროვნულ ღირსების დაცვა, დაბრკოლებას კი არა, დიდ შემწეობას აღმოუჩენს (საერთო ტაშისცემა). აი, ამისთანა მომენტში, გრადონა-ჩაღნიკის განკარგულება არა მარტო რუსეთის თვალშია უკანონო და ანტინაციონალური. — რუსეთი კარგა ხანია შეეჩვია უკანონობას — არამედ მთელ ევროპაშიაც ჩათვლილი იქნება უკანონობათ (საერთო ტაშის ცემა). რაც გუშინ მოხდა, ცუდის მომასწავებელია: ან მთავრობას არ სურს გაიგოს საზოგადოებრივი აზრი ამ საგნის შესახებ, ან კიდევ უარესი: განზრახვა აქვს ხსენებულ საკითხში რუსეთის საზოგადოებრივი აზრის წინააღმდეგი პოლიტიკა აწარმოოს. აი, ამიტომ სათათბირო უმჯობესადაა უნდა შეეკითხოს მთავრობას და გააგებოს მას, რომ რუსის ხალხს ნება აქვს თავისი აზრი გამოთქვას ხოლმე ისეთ საქმეებზე, რომელნიც მის ღირსებასა და ინტერესებს შეეხებიან“ (საერთო ტაშის ცემა). მაკლავის ლაპარაკის დაწყებისთანავე, პურიშკევიჩმა სიტყვა მოითხოვა, მაგრამ უკანასკნელათ, როცა შენიშნა დუმის ერთსულოვნება ამ საკითხში, თითონვე უარი სიტყვა სიტყვის თქმაზე. დასასრულ შეკითხვა საჩქაროთ იქნა აღიარებული.

ამასთან, დუმამ გადასწყვიტა სხდომები გამართოს კვირაში სამჯერ, 11-დან 6 საათამდე.

სახელმწიფო ხარჯთ-ალრიცხვის კომისიაში სხვათა შორის აირჩიეს ტრუდოვიკი როზანოვი, ს. დემოკრატი ბელოუსოვი და ა. მ. კოლიზბაკინი.

20 ოქტომბრის სხდომა

დუმამ წვრილმან საქმეებს მოაწოდო. დაამტკიცეს კანონ-პროექტი იმის შესახებ, რომ სახაზინო სამკურნალო წყლებს ეძლიოს ყოველწლიური შემწეობა — 50, 56 მანეთი — 1911 წლამდე. კამათის დროს ზოგიერთებმა ის აზრი გამოთქვეს, რომ ეს წყლები ადგილობრივ თვითმმართველობას უნდა გადაეცეს.

გრძელი კამათი გამოიწვია მთავრობის პროექტმა იმის შესახებ, რომ პირუტყვთა და მცენარეთა მოვლამოშენების საზოგადოებას მოსკოვში შემწეობა მიეცეს, რადგან 1905 წლის რევოლუციის დროს დაზარალებულ.

ბელოუსოვი და ჩხეიძე უსაბუთოდ სთვლიან მთავრობის მოთხოვნას: ხსენებული საზოგადოება სოფლისათვის არსებობს და აბა კითხეთ ხალხს — იცის მან ამ საზოგადოების არსებობა? ანდა რა კავშირი აქვს აკლიმატიზაციის საქმესთან ოპერეტას და კაფეშანტანს,

რომელნიც გამართულნი არიან მოსკოვის ხსენებულ ზოოლოგიურ ბაღში?

ბოლოს, ხმის უმეტესობით ამტკიცებენ პროექტს. შემდეგ, კაპუსტინის და ალექსეევის მოხსენების თანახმად, სათათბირო ამტკიცებს რვა კანონ-პროექტს სხვა და სხვა სამეცნიერო საზოგადოებათათვის შემწეობის აღმოჩენის შესახებ. დასასრულ კამათი გამოიწვია საკითხმა, თუ რომელი კანონ-პროექტი გაირჩეს პირველათ: ადგილობრივ სასამართლოს შესახებ თუ 9 ნოემბრის აგრარულ კანონის შესახებ. სათათბირომ დიდი ხმის უმეტესობით დაადგინა — პირველათ 9 ნოემბ. კანონ-პროექტი იქნას განხილული.

სხვა-და-სხვა ამბები

ჩ ვ ე ნ შ ი

◆ კავკასიის ნამესტნიკი, რომელიც 20 ოქტომბერს უნდა წამოსულიყო პეტერბურგიდან, ჯერჯერობით დარჩენილა. ნამესტნიკს აზრათ ქონებია დაესწროს კამათს სახ. დუმაში კავკასიის შესახებ.

◆ ქართული თეატრის შენობა მზათ იქნება პირველ დეკემბერს. პირველ დეკემბრისავე გაიხსნება ქართულ წარმოდგენების სეზონი. 20 ოქტომბრიდან ქართული დასი უკვე შეუდგა რეპერტუარს.

◆ სამოსწავლო მთავრობამ ქალაქის თვითმმართველობის წინაშე ხელახლა აღძრა შუამდგომლობა, რომ ქალაქმა აღმოუჩინოს ორი ან სამი ათასი მანეთით დახმარება 1 გიმნაზიის ვერის განყოფილების ცალკე გიმნაზიით გადასაკეთებლათ.

◆ 17 ოქტომბერს შედგა თფილისის სახალხო უნივერსიტეტის გამგეობის სხდომა. სხდომას უნდა განეხილა, თუ რა გვარი დამოკიდებულება ქონდა ადმინისტრაციის განკარგულებასთან ადგილობრივ ენებზე ლექციების აკრძალვის შესახებ. გაიმგობამ დაადგინა: განაგრძოს მოქმედება აქეთი ფრთა შეკვეცილი უფლებითაც. ამავე სხდომაზე, სხვა წვრილმან კითხვათა შორის, დაადგინა აირჩიონ ცალკე საფინანსო კომისია და შეუდგენ წერა-კითხვის შესასწავლი სკოლის მოწყობის გეგმის შემუშავებას.

◆ აკაკის საიუბილეო მთავარმა კომიტეტმა დაადგინა იუბილეი 30 ნოემბერს გადაიხადოს. კომიტეტმა მოისმინა აგრეთვე ქუთათურების მოხსენება აკაკის იუბილეს ქუთაისში ცალკე გადახდის შესახებ და დაადგინა: ქუთაისში განზრახული ცალკე საიუბილეო დღესასწაული ისე უნდა მოეწყოს, რომ მან ხელი არ შეუშალოს საერთო ეროვნულ დღესასწაულს. ყოველივე წარმოდგენების შემოსავალი, შემოწმებულებანი და სხ. უნდა შეადგენდეს ერთ განუყოფელ ფონდს. საქართველოს სხვა და სხვა კუთხიდან ადგილობრივი დეპუტატები უნდა ჩამოვიდნენ ნაციონალურ ტანისამოსში გამოწყობილნი. კომიტეტმა მოისმინა თფილისის წვრილვა-



* ქართა დადგენილება აკაკის იუბილეს გადახდის შესახებ და აირჩია მათ წარმომადგენლათ წესრიგის კომისიაში იოსებ მერკვილაძე.

◆ ქ. შ. წერა-კითხე. გამ. საზ. გამგეობა-საგურამოში მასწავლებლათ გზავნის მაქ. მარკოზაშვილს და გიორგი-წმინდაში ირ. კიპაშვილს.

◆ ქართული სტამბის 200 წლის არსებობის იუბილეს პროგრამის გამოსამუშავებლათ გადაწყვეტილია მოხდეს შეერთებული სხდომა წ.-კ. ს. გამგეობისა და საისტორიო-საეტიმოგრაფიო საზოგადოებების.

◆ ხვალ, 27 ოქტომბერს თფილისში გამოვა ახალი,

სამხატვრო ჟურნალი „ფასკუნჯი“. გაზნტი გამოვა ორ-შაბათობით.

◆ რედაქციამ მიიღო ახალი ჟურნალი „Известія Тифлисской Городской Думы“ ჟურნალი პერიოდული იქნება.

ქ უ თ ა ი ს ი.

აკაკის იუბილეს მომწესრიგებელ კომისიამ უკვე დაასრულა გეგმის შედგენა; სხვათა შორის, გადასწყვიტეს მის იუბილეს დღეს წარმოდგენიდან შემოსული ფული გადაეცეს საჩუქრათ იუბილიარს.

◆ რეალურ სასწავლებელში მოწაფეთა და მასწავლებელთა შორის დამოკიდებულება გამწვავდა: მიზეზი ფრანგული ენის მასწავლებლია. ყმაწვილების მხრით უწესოებას მოყვა მთელ მე VI კლასის მოსწავლეთათვის ყოფაქცევაში 3 დაწერა და 2 ყმაწვილის გამოორიცხვაც. ესენი გუშინ ისევ მიიღეს.

◆ 11 ოქტომბერს ადგილობრივ კლუბში გაიმართება საღამო ქართული გიმნაზიის იმ მოსწავლეთა სასარგებლოდ, რომელთაც წელს სწავლა დაასრულეს და სიღარიბის გამო ვერ გაემგზავრენ უნივერსიტეტში.

◆ 21 ოქტომბერს, დილის 12 საათზე გაიმართა ქალთა კრება, კრებას საკმაო რიცხვი დაეწრო. თავმჯდომარემ კრებას გაუმართა მისი მოწვევის მიზეზი, აღნუსხა აკაკის იუბილეს მომავალი მიმდინარეობა და წინადადება მისცა მათ თავის წრიდანაც აერჩიათ კომიტეტისათვის ქალები. ამისთვის კრებამ ფარული კენჭის ყრით აირჩია 10 ქალი, რომელთაც ენერგიული ზომები უნდა მიიღონ დღესასწაულის ღირსეულად გამართვათ.

◆ საავთმყოფოს სანიტარულმა კომისიამ წინადადება მისცა სანიტარებს, რომ 10 დღ. განმავლობაში თუ სახლის პატრონებმა თავიანთი სახლები არ გაასუფთავეს, მაშინ მათ ხარჯზე გაიწმინდოს სახლები და კიდევ ოქმი შეუდგინონ მათ სავალდებულო დადგენილების დარღვევისათვის.

◆ სკოლის ადმინისტრაციამ ქართულ გიმნაზიაში მათემატიკის მასწავლებლათ მოიწვიანოვოროსიის უნივერსიტეტში კურს დამთავრებული წერეთელი.

◆ 20 ოქტომბერს მოჰმადიანმა დარაჯმა თოფის კონდახით თავი გაუტეხა ქალაქში სავაჭროთ ჩამოსულ სოფელ გლეხკაცს.

◆ 21 ოქტომბერს ქუთაისის ესტუმრა ფრანგი ჟურნალისტი ბ.ნი რენე ოდენი, რომელმაც 100,000 ფრანკის ნიშნობით ოთხი წლის განმავლობაში დედამიწის გარშემო უნდა შემოიაროს, ქვეითათ. წამოსულა პარიზიდან 1 აპრილს 1908 წელს. აქაური საზოგადოება დახმარებას უწევს ფულითა და რაც შეიძლება პატივს სცემს მას. სამშაბათს თეატრში იყო.

◆ ქალაქის საავთმყოფოს შეკეთებას უპირებენ.

რ უ ს ე თ ე ი.

— სიკვდილით დასჯა გადაუწყვიტეს: ელისავეტ-გრადში—7, ღუბნოში—2, რეველში—4, ვიატკაში—4, კრემენჩუგში—3, კიევი—16, ნიჟნი-ნოვგოროდში—4, ეკატერინოსლავში—4, რიგაში—1, ხარკოვში—6, ეკატერინოდარში—3, ხერსონში—7, მოსკოვში—2, ვარშავაში—2.

— სიკვდილით დასაჯეს: ხარკოვში—1, სარატოვში—1, ეკატერინოსლავში—1 („რევი“ № 243—250).

— ვარშაგის გენერალ-გუბერნატორის განკარგუ-

ლებით დაიხურა „საყოველთაო უნივერსიტეტის“ ბიბლიოთეკა, სამკითხველო და ყველა სხვა დაწესებულებები, რომელსაც მიზნათ ქონდა მეცნიერულ ცოდნის პოპულიარიზაცია ხალხის ფართო წრეებში. დახურვის შემდეგ დაპატიმრეს უნივერსიტეტის გამგეობის ყველა წევრები, სხვათა შორის ცნობილი მწერალი, ავტორი „უსახლკაროთა“, „ცოდვათა ისტორიის“ და სხ.—სტ. ჟერომსკი.

— ამას წინათ ხარკოვის სამოსამართლო პალატაში გაირჩა საქმე ნაფიც ვეჭილეებისა და თანაშემწეებისა. ბრალსა სდებდნენ იმაში, რომ ისინი 1905 წლის ოქტომბრის დღეებში ძალდატანებით ცდილან სამოსამართლო პალატის დეპარტამენტს შეეწყვიტა მეცადინეობა, რისთვისაც ისინი გარს უვლიდნენ კანცელარიას და წინადადებას აძლევდნენ მდივნებს, შეეწყვიტათ მეცადინეობა.

პალატამ, 15 წამის ოათბირის შემდეგ გამოიტანა თავის განაჩენი, რომლითაც აღნიშნულ პირებს ეცხადებათ „ვიგოვარი“.

— საგზაო სამინისტრომ განცხადება შეიტანა მინისტრთა საბჭოში, რომლითაც თხოულობს 1,254,030 მან. ორენბურგ-ტაშკენტის რკინის გზისათვის.

— პეტერბურგში დაარსდა „რუს მუშათა კავშირი“. კავშირის მიზანია განავითაროს თავიანთ წევრებში პოლიტიკურ მოღვაწეობასთან შეგნებული დამოკიდებულება, რაც დამყარებული იქნება პატრიოტულ ნიადაგზე. კავშირმა წინააღმდეგობა უნდა გაუწიოს ყოველგვარ გაფიცვას. მთავრობამ გამოირიცხა კავშირის წესდებიდან ის მუხლი, სადაც ნათქვამია, რომ კავშირიდან გამოირიცხება ის წევრი, რომელიც სამშობლოს და მეფეს უღალატებს.

— 16 ოქტომბერს მოსკოვში გაიხსნა ახლათ დამტკიცებული საზოგადოება „სლავიანთა კულტურისა“. საზოგადოების თავმჯდომარეთ აირჩიეს ფ.კოში, მის ამხანაგებათ დავიდოვი და პროფესორი კომაროვსკი. საზოგადოების მიზანია გავლენა იქონიოს რუსეთის საზოგადოებრივ აზრზე ბოსნია ჰერცეგოვინის და საზოგადოთ ბალკანეთის საქმეთა მდგომარეობის შესახებ. ამ მიზნით საზოგადოება გამართავს ლექციებს, რეფერატებს და სხ. სადაც განმარტავენ აღნიშნულ კითხვას.

— აიკრძალა გ. პლესხანოვის წიგნი: „რუსი მუშა რევოლუციონერ მოძრაობაში“.

„მონათმშობელი“.

ამ თვის 15-ში დატვირთული დეპუტატები ხვნეშით მიაღწენ თაფრიდის სასახლეს. რასაკვირველია, ყველა მათგანმა მიიტანა სახსენებელი წოდების და მიდრეკილ-მოდრეკილობის შესაფერი. რაბაჯალდობები გადმოცვივდება ტომრებიდან, ამას მალე დავინახავთ, ხოლო დასაწყისი კი უკვე ვიცით;

ვიცი, რომ სხდომის დაწყებამდე ეპისკოპოს ევ-

ლოგის პარაკლისი გადაუხდია, პარაკლის შემდეგ უმღერით, სიმღერის შემდეგ უძახნიათ, „ურააა“.

აფერუმ! მივიძახოთ ჩვენც და მოვისმინოთ ახლა მეორე ეპისკოპოსის ტიბიკონი:

როგორც გაზ. „რეჩი“ იტყობინება, სათათბიროს გახსნის ორი დღის წინათ „13 ოქტომბერს, სარატოვში ეპისკოპოსმა გერმოგენმა სობოროში დაარიგა დაბეჭდილი წერილები. ამ წერილებში ეპისკოპოსი დეპუტატებს იხსენიებს მოლაღატებათ, „ზაბასტოვშიკებთან, ხალხის მტრებათ და მის მძარცველებთან; ის მოუწოდებს ხალხს მოიყარონ თავი ღვედელ-მთავარის გარშემო და იხსნან მართლმადიდებლობა მონგოლთა შემოსევისაგან“.

ჩვენ რასაკვირვე ია ეპ. ევლოგის „მონგოლობაში“ ექვი არ შეგვაქვს, მაგრამ ეპ. გერმოგენი კი როგორც ხედავთ, უპირველესათ მას უნდა ემუქრებოდეს, როგორც „მონგოლთა“ მაკურთხებელს, მათთანა მჯდომარეს და მაშასადამე, როგორც „მონგოლს“. რომელი ეპისკოპოსია მართალი, ამის გამოცნობა „ქრისტიანებს“ მიეანდოთ.

ხოლო ჩვენ კი გავიხსენოთ ძველი ებრაული რჯული. ამ რჯულით მამის დანაშაული შვილიდან შვილზე გადადიოდა და მეშვიდე თაობამდე ყველა მათგანი ცოდვილი იყო. ასეთივე ხვედრი სწვევია არა ებრაელს, არამედ რუსს, პირველი სათათბიროს წევრის, ჩიჟევსკის შვილს...

მას „ალექსანდროვის ზემსტოვომ“ მოუსპო სტიპენდია, რადგან მისმა მამამ ხელი მოაწერა ვიბორგის მოწოდებას. რომელ თაობამდე გაჰყვება ჩიჟევსკის ჩამომავლობას ეს ცოდვა, ღმერთმა უწყის.

ადამიანთა გარდა თვით განგებაცა ძიობს შურს სახ. სათათბიროზე: როგორც გაზეთები გადმოგვცემენ „სათათბიროს დეპუტატს პურიშკევიჩს თხოვნა შეუტანია სამთო ინსტიტუტში, თავისუფალ მსმენელათ მიმინია“. სწორეთ რომ მართლა „მონგოლების“ ბრალია, ღეთო“. სწორეთ რომ მართლა „მონგოლების“ ბრალია, თორემ ასე მოულოდნელათ რამ ასწია „მთამდე“ პურიშკევიჩის შუბლის ტერმომეტრი? მართალსა ბრძანებს, მართალს მამა გერმოგენი!

ჯერ-ჯერობით ეს მოხდა, როგორც სათათბიროს შიგნით, ისე სათათბიროს გარეთაც; რით გვასიამოვნებენ შემდეგში, ამასაც დავინახავთ!

მაგრამ „მონგოლები“, მართლ სახ სათათბიროს კი არ შესევია. ისინი შესევიან ქ. თფილისსაც, ნახალოვკამ დაიპყრო მისი ჩრდილო-აღმოსავლეთის მხარე, გაასწორა მისი ოღრო-ჩოღროები თვისი ოფლით, მისცა ქალაქს აშენებული კუთხე, შესძინა მას ქანქარი იმ ვერანა ადგილებიდან, საითაც სოლოლაკელები წინეთ ღუბინდით იყურებოდნენ. და აი, ეხლა, როდესაც მათ შეძლება მიეცათ გაიარონ ამ ქუჩებში ეტლებით და ლორწეტებით გადმოხედონ „მონგოლებს“, მათ მოიწადინეს „ურჯულთა“ განდევნა. მაგრამ, ესენი უფრო

ქკვიანი სტრატეგები გამოდგნენ. მათ კარგათ იციან, რომ „მონგოლებს“ ვერ დააფრთხოვს ვერც საკმელი, ვერც საცეცხლოური და ვერც ანაფემა. ამიტომ, მიჰმართეს უფრო ადვილს, მაგრამ, მართლაც გასამარჯვებელ საშუალებას: დაადგეს ხარკი „მონგოლებს“, დაადგეს იმისთანა ხარკი, რომ დაწითლებული ყარამან-ყარდაშიც ვერ ასწევს, არა თუ პაწია გაყვითლებული „მონგოლი“. ის მიწები, რომელზედაც დაესახლენ „ძალათ უზნელები“, წარსულ კვირას შეაფასა ქალაქის გამგეობის კომისიამ, და საჟენზე ფასი 30 მანეთამდე ასწია. აი, აქ ჩაუტეხა წელი ქალაქის გამგეობამ „მონგოლებს“, მან უხელთა მათ ღრო, ვინაიდან წინეთ ესავე მაშულები შეფასებული იყო საჟენი არა უმეტეს 50 კაპეიკისა. ქალაქის გამგეობა კი მაშინ განგებ არ მოურიგდა „ძალათ უზნელებს“, ხოლო ეხლა კი, როცა მის ხელშია ბერკეტი საძირკვლის ამოსაგდებათ და ჩაქუჩი მათ ჭერის დასანგრევათ, ახლა იხელთა ღრო და დაუშინა „მონგოლებს“ „ოცდაათ ფუთიანი“ მუშტები.

ღვთიური სიტყვა ყოველთვის სრულდება. არაა ისეთი კუთხე, სადაც გერმოგენის „მონგოლებს“ ღდეს ზენაარსის რისხვა არ დასტეხოდეთ თავს. როგორც ვიცით, უმაღლესმა მთავრობამ თფილისის სახალხო უნივერსიტეტში აკრძალა ქართულ, სომხურ და სხვა ადგილობრივ ენებზე ლექციების კითხვა. აკრძალა და მით, რასაკვირველია, განდევნა იქიდან „მონგოლები“. ყოფნა, არ ყოფნა! აი, რა არის საკითხავი ღდეს სახალხო უნივერსიტეტისათვის თფილისში.

დასასრულ ერთი სასიამოვნო ამბავი. ქალაქ თბილისის ხმოსანი ხატისოვი დავიკრგინებულა, მირონცხებულა, კურთხეულა მეფეთ ნათლულისა. თუმცა ჯერჯერობით მას 400 ოჯახი ჰყავს ქვეშევრდომათ, მაგრამ ჩვენს ღროში თუ ვისმე ეს ოთხასი მაინც შერჩა ერთგულ ყმათ, ესეც ღიდი რამ არის. ხატისოვს კი, როგორც ვიცით ბედი სწყალობს; მთელს მის სახელწიფოს მისივე სახელი დაურქმევია. რათა ყოველთვის თვალწინ ედგას ერს მისი ხატება, მისი გვირგვინოსნობა, მისი ნაკურთხი კვერთხი. საიდან მოიპოვა ხატისოვმა პორფირი, ამასაც მოგახსენებთ:

ქალაქ თფილისის გამგეობამ რკინის გზის მოსამსახურე 400 კაცს მისცა იჯარით დასასახლებელი მიწები ნავთლულის ახლოს. მომავალსოფელს გადაუწყვეტიათ „ხატისოვკა“ უწოდონ.

ღიჯ, ღდეს ჯვაროსანთა ომია „მონგოლთა“ წინააღმდეგ, საერთო ამხედრება და აი, ხატისოვსაც უხელთნია ღრო, უშოვია გვირგვინი. ის ბოლოდან შემოსევია თფილისს და იმედია როცა თავში ავა, თფილისსაც სახელი გამოეცვლება. ღიჯ, ბრწყინვალე მომავალი მოგლის ჩვენს ღდეს ქალაქს!

ავტორი.

*
* *

ფრთები შეისხი ოცნებაჲ!..
გამტყორცნე უცხო მხარეში,
თორემ აქ გული გაწყალდა
სულ მუდამ სიმწუხარეში.

ვერ ვპოვე სულის სიმშვიდე,
აქვითინ-აკენესებულმა,
შავ-ბედით, ტიალ-ცხოვრებით
დაჩაგრულ — დაკნინებულმა,
გამხეცებული მტარვალ
მუსრს ავლებს ტანჯულ-მომძვინვარებელს,
არ ინდობს დიდსა, პატარას,
აყენებს სისხლის ტბორებებს...

მომაკვდავთ გმინვა გაისმის
მთა-ბარათ, მინდორ-ველათა,
ცოცხალ-მკვდართ სვანნი ჰკორტნიან,
არვინ ყავთ მფარველ-მცველათა.

მინდა ვეკეთო ქვეყნის მტერს,
შუა გავაბო წყეული,
ანდა შევკვდე გმირულათ
სიცოცხლე მოძულეებული.

მაგრამ... ბორკილი, ხუნდები
აღარ მაძლევენ ნებასა,
და გალაღებულ მტარვალსა
ველარ ვაყენებ ვნებასა...

ფრთები შეისხი, ოცნებაჲ
გამტყორცნე შორს, სხვა მხარეში,
თორემ გაწყალდა გული აქ,
ტანჯვა და სიმწუხარეში.

ბ. პელაშვილი.

მ ე ა თ ო ზ თ ა ჩ ი ვ ი ლ ი.

— : —

მოხდა უცნაური ამბავი, რის მსგავსიც არ ახსოვს
მარადისობას.

სადღაც, სამყაროს უხილავ კუთხეში სივრცის საშო
თხისებურ მდგომარეობაში შეგროვილიყვენ ცის მნათობნი.

დიდი ხანი გავიდა მას შემდეგ, დიდი, რაც მათ
პირველად იხილეს ქვეყანა.

თვითონაც არ ახსოვთ თავიანთი დაბადება.

მათი შუქ-მფენი სხივებიც კი ვერ ხედავენ მათ და-
საწყისს და ამ ხნის განმავლობაში არც თვითონ და არც
დროს არ ახსოვთ, რომ ისინი ოდესმე შეხვედროდნენ
ერთი-ერთმანეთს.

ეს იყო პირველი შეხვედრა მათი.

შუაში იჯდა მზე, მზე მშვენიერი.

მისი ლაღლაპა მკერდი მოუხვეწარადა ქშინავდა; ვერც
თავისი სწრაფი, დიდი ღელვა დაეცხრო. ის უხვით
ივლიდა გულიდან თბილ-თბილ სინათლეს და ლამაზ-
ლამაზ სხივებით უგზავნიდა მთელ არე-მარეს.

მარჯვნივ, მზის ცელქათ მოთამაშე სხივებზე კოხ-

ტათ ჩამოსკუპებულიყო ბადრი მთვარე. მისი ნაზი, მკრთა-
ლი სახე ყველას უღიმოდა, ყველას უცინოდა. იგი თა-
ვის საარსებო გაშვებულ მეოცნებე თვალებს ხან
ერთი მნათობის წინ ჩალულავდა სიამოვნებით და ხან
მეორისა.

მთვარე ჰხარობდა, მთვარე ჰნეტარობდა.

მარცხნივ საუცხოვო იწმინებოდა ცისკარი; მას
კოპწიით წამოესხა მზის ლაქვარდოვანი სხივები და კე-
ლუცის სიამაყით აფრიალებდა აქეთ-იქით თავის შუქ-
მფენ, სპეტაკ პორფირს.

მათ უკან იდგა შუქურ-ვარსკვლავი.

ახ, რა მედიდურია იგი, რა მედიდური!

ის სხივ-შეუხრელათ, გაშტერებით იყურებოდა
შორს — შორს სივრცეში. იმის სახეს არ ეშინოდა არცა
ლიმილი, არც სიხარული; იმისი მშვიდი და უხვი, თეთ-
რი სხივები ამტკიცებდნენ მის სიდიადეს, მის სიუაქიფეს.
ესმის შუქურს თავის ღირსება, მიტომ ამაცობს და
მედიდურობს.

შუქური ისე გაშტერებულიყო და გაეტაცა თავის
კმაყოფილებას, რომ ვეღარც კი ამჩნევდა იქვე გვერდ-
ზე მდგომ წითლათ მოღაღდად მარსს.

მარსიც ღვარძლიანი ყოფილა, ღვარძლიანი,

მას არ უნდოდა ეპატიებინა შუქურისთვის ესეთი
გულ-ციგობა. გააფთრებული ჩქარი-ჩქარ მიუბრუნდე-
ბოდა ხოლმე მას, ჩამოგლეჯდა სწრაფად მოთეთრო სხი-
ვებს; აადენდა თავის აღმურს და მზისაგან ნაბოძებ სხი-
ვებთან ერთათ მისთავაზებდა ხოლმე წითელი ატლასის
ლენტებივით მახლობელ მნათობებს.

იქვე დახტოდა გიჟმაჟი მერკური.

ახ, რა მოუხვეწარია ყოფილა თურმე ის, რა მოუ-
სვენარი!

რამდენჯერ შემოუბრინა ხტუნაობით თავის საყვ-
რელ მზეს; რამდენჯერ მიეპარა მორცხვით მჯდომარე
ლამაზ ცისკარს და გვერიელათ, თავ-დავიწყებით ჩე-
კონა იგი მის უაქიზ, ნაზ სხივებს; რამდენჯერ გაუ-
კუნტრუშა შორიდან მოარსიყე-მოლიმარე მთვარეს, მა-
გრამ ყველაზე უფრო ძლიერ მოსვენებას არ აძლევდა
მარსის გვერდით მდგომარე სატურნს.

მოეწყინა სატურნს!

მის სხივებს შემოჰკლებოდათ სიცოცხლე და სიმა-
მატე. ის ისე დაღვრემილიყო, რომ მერკურის სიცელ-
ქე და ხუმრობა უბრალო ღიმილსაც კი ვერ ჰგვირდებოდა
მის მოწყვნილ-მოღუშულ სახეს.

წინ ძვირფასი იაგუნდებივით გაბნეულიყო ხომლის
გუნდი.

ყველა ნეტარებით შესცქეროდა მათ მოწყვეტილ
სილამაზეს, მაგრამ სულ ყველაზე ძლიერ მათზე ეკირა
თვალი შორი-ახლოს მოციმციმე სირიუსს.

იგი ჰლამობდა, რომ თავისი წარმტაცათ მოელვა-
რე სხივები უფრო საოცნებოთ შეემო ხომლის ძვირფა-
სი მარგალიტებით და მაშინ კი... მაშინ კი უეჭველათ
მოაჯადოვებდა მის წინ გამოქიმულ საუცხოვო ორიონს.

ლამაზი სირიუსი თავდავიწყებით ეარშიებოდა ამ ცის მშვენიერებას და თავისი ცქრილა, კეკლუცის საივებით წამ და უწამ ანიშნებდა მას თავის გულის ძეგრას. ორიანიც თანაუგრძნობდა.

სირიუსის არშიულობით მასაც უტოკდა ფული. ის უფრო მეტის გულდადებითა და გატაცებით აპრიალე-ბდა თავის სამთვალა სარტყელს და სირიუსსაც სალამს უძღვნიდნენ თავიანთი მოუსვენარი კამკამით, მისი ლა-ლისა და ბრილიანტის ცოცხალი თვალები, რომლებიც კარიგელა სილამაზეს და მიმზიდველობას აფრქვევდნენ თავიანთი სხივებით.

მთელი გარემო შემკული იყო ერთი-ერთმანეთზე ულამაზესი მნათობებით.

ივინი ერთი-ერთმანეთს ეჯიბრებოდნენ სიკეკლუცე-სა, სილამაზეში, შუქმფენებას, და სხივოსნობაში, მრავალფეროვნებასა და უცნაურობაში.

მათ შუქს შეეკმნა უშველებელი შარავანდედი, რომლის სინათლეზეც ხორც შესხმულივით მოსჩანდნენ ან-გელოზები და ეთეროსნები.

ყველა ამას შორი-ახლოდან მედიდურათა და მშვი-დათ უცქერდა მხარ-თეძოზე წამოწოლილი დრო.

მას ფართე მკერდზე მკვდარი სხივებივით გაეფან-ტა თავისი ქალარა წვერი. ფრთებიც დაეკეცა და დაე-შვა ძირს.

ისიც კი ისვენებდა!

მ ზ ე .

-- აბა მნათობნო, უმშვენიერესნო, ულამაზესნო, უკეკლუცესნო! ნეტავ რას მეტყვი? რას მახარებთ? მე გული მიძგერს.

მნათობნი.

- დამშვიდდი მზეო!
- ნუ ღელავ მზეო!
- დაწყნარდი, გენაცვა!
- ნუ ღელავ, ლამაზო!

მ ზ ე .

— ოო, საყვარელნო, სანატრელნო, სამყაროს შეილნო! მე ჩემის სხივების თრთოლვით ყურს გივადებთ თუ რას ჩამჩურჩულებთ თქვენის საკოცნელის სხივებით. სთქვით, გენაცვა, სთქვით!

მნათობნი.

- რა ტკბილი ხარ, მზეო!
- რა საყვარელი, ხარ, მზეო!
- რა მადლიანი ხარ მზეო!
- რა წარმტაცი ხარ, მზეო!

მ ზ ე .

— გენაცვალებით, ნუ გავიწყლებათ: დრო ჩვენ გვიცდის, ჩვენ გველოდება; მაშ ჩემ ქებაზე ნუ აცდ-ვინებთ და პირდაპირ სთქვით თქვენი სურვილი! სთქვით, რა გწადიათ!

მნათობნი.

- ჩვენ მოგვებურდა დედამიწის ცქერა!
- ჩვენ შეგვეზოლა იმისი სახე!

- ჩვენ აღარ გვინდა მის არსებობა!
- მოსპვეი, მზეო, მთლათ დედამიწა!
- გააქრე მზეო, იმის ნასახი!
- გევედრებით!
- გეხვეწებით!
- გემუდარებით!

ამის გაგონებაზე შეკრთენ მზის სხივები და მათ მშობელსაც ნათელ, სახეზე თითქოს შავი პირ-ბადე გა-დაეფარაო.

მ ზ ე .

— ოო, სხივოსნებო! რამ აგაშფოთათ? რისთვის გაგიწირიათ ეგრე სასტიკათ თქვენი მოძმე დედამიწა? რით დაიმსახურა მან თქვენ უმშვენიერესთა, ულამაზეს-თა და უსაყვარელესთა წყრომა?

შეირბენ მნათობნი. აელევადნენ მათი სხივები და დაეშადნენ მზის საპასუხოთ; მაგრამ აქამდის წყნარათ მნათობელმა შუქურმა უეცრივ მოიქნია თავისი სპეტაკი სხივები და ჩააჩუმა ყველანი.

მთვარე და ცისკარი ბევრს ეცადნენ ჯერ თვითონ აეფლერებინათ თავიანთ გულში ნადები. ბევრჯერ წაპ-კრეს შუქურს მუჯლუგუნი თავიანთი ჰაეროვანი, მონა-რნარე სხივებით, მაგრამ არ შეეგოვა მათ შუქური.

პირველობა მაინც იმან აიღო.

შეკუმშა თავისი სხივები და მოწყვეტით სტყორ-ცნა მზეს.

— მზეო ლამაზო, სათაყვანებო! ერწმუნე ჩემ შუქს, შენგან ბოძებულს, რომ დედამიწა ღირსი არის განად-გურების. რილას მაქნისია ეხლა ის, როცა იქ ყველა სიმდიდრე განადგურებულია, როცა ყველა სიდიადე გა-თახსირებულია და დაცემული; როცა სიუხვესა და პა-ტივისცემას იქ ერთი ბეწვა კუნტულიც კი აღარა აქვს!

ო, მზეო! ჩემი სხივები ისვრებიან დედამიწის ტა-ლახში!

მე აღარ შემიძლიან მისი ცქერა!

ის თავისი გათახსირებით შემარცხვენელია სამყა-როს დანარჩენ მშვენიერ მნათობთა. გაწანთავისუფლე მის ცქერისაგან! მოსპე იგი!

მნათობნი.

- დედამიწა გვარცხვენს.
- ის გათახსირდა!
- ის ღირსია მოსპობის!
- ღირსია მოსპობის!
- ღირსია მოსპობის!

მზეს თითქოს გული დაეწვაო, ერთი ამოიქშინა და უშველებელი ცეცხლის ალი აღმოხდა მკერდიდან.

მთვარე.

— გენაცვალე, მზეო ბრწყინვალე! მეც დამიხ-სენი მიწის ცქერიდან!

მ ზ ე .

ეხ, მთვარე, მთვარე! მაშ შენც გასწირე დედა მიწა?

მთვარე.

რა ვქნა გენაცვა! ეს ისევ დედამიწის ბრალია.

ოი, მზეო, მზო! რომ იცოდე როგორ მენატრება, რომ ჩემ შუქზე, ჩემ უხილავ სითბოზე მწიფდებოდეს ნეტარი, ფაქიზი სიყვარული სიწრფელითა და თავდავიწყებით შემოკბილი! როგორ მენატრება, გულიდან სიხარულითა და გატაცებით ამოწყვეტილი კოცნა, როგორ მენატრება!...

მეც ვეაღერებოდი, ვკოცნიდი ჩემი ფაქიზის შუქით; მ გრამ რა ვუყო, როცა დედამიწაზე სიყვარულისა და სიხარულის მაგიერ ვხედავ მოტყუებას, გაიძვრობას, ღალატსა და გაუტანლობას.

ო, მზეო! მოსპე დედა მიწა, მოსპე! თუნდა მასთან ერთად მეც ჩაეჭრებოდე სამარადისოთ!

მე აღარ შემიძლიან მისი ცქერა.

ჩემი მკრთალი შუქი უფრო ფითრდება და ჰკარგავს ძალას იმის საზიზღრობის დანახვაზე.

დამიხსენ მისგან! დამიხსენ!

მნათობნი.

— საწყალი მთვარე!

— საბრალო მთვარე!

— როგორ დატანჯულა!

— როგორ დაღალულა!

— მზეო, დაგვიხსენ დედამიწისგან!

— დაგვიხსენ მისგან გენაცვალებით!

— ჩამოგვაშორე ჩვენი შემრცხვენი!

— ჩამოგვაშორე!

— ჩამოგვაშორე!

მზე უფრო მოიღუშა და მიუბრუნდა ხტუნაობაში გართულ მერკურის:

— ჩემო მალხაზო! გასწი ნახვეი დედამიწა სად იყოფება, ჩქარა დაბრუნდი და პასუხი შემატყობინე!

ცელქმა მერკურიმ ერთი შეიკუნტრუშა, გრძელი მათრახივით შემოიქნია თავისი გააღული სხივები და გაექანა შორს, შორს სამყაროს თვალუწვდენელ სივრცისაკენ.

(დასასრული იქნება)

ლევ. მეტრეველი.

თეატრი და მუსიკა

— : —

სახაზინო თეატრი.

„Cavaleria Rusticana“ („სოფლის პატიოსნება“) „Pagliacci“ („პაიაცი“).

ადამიანი, რომელიც ნამდვილი ესთეტიური გრძნობათა მფლობელია და არა თანამედროვე დეკადენტ-სიმვალისტურ მხატვრულ შეხედულებათა მატარებელი, მხოლოდ მაშინ განიცდის ძლიერ შთაბეჭდილებას ხელოვნურ ნაწარმოებზე, როდესაც უკანასკნელის შინაარსი სინამდვილის სარკეს წარმოადგენს, მას და მხოლოდ მას სცემს თავყვანს; თუ ამ გზას ხელოვნება

უხვევს, ამითი ის თავის თავს უარყოფს, რადგან ხელოვნება მხოლოდ მიზანმიმართული იმისი, რაც განსაკუთრებულ ნიჭის პატრონთ მოველინება სხვადასხვა გრძნობათა საშუალებით. ამ თვალთახედვის ისრით თუ შევხედავთ ხელოვნებას,—და ჩვენ გვეგონა სხვაფრივ არც შეგვიძინია მას შევხედოთ.—მაშინ შესანიშნავათ უნდა ვიცოდეთ ორი ზემოთმოხსენებული მუსიკალური ნაწარმოები, რომელნიც იტალიელ კომპოზიტორებს ეკუთვნის: პირველი **მასკანის**, მეორე **ლეონკოვალოს**. რადგან შინაარსი საინტერესოა, ამიტომ მოკლეთ გადავცემთ მკითხველს.

„სოფლის პატიოსნება“: ერთ მდიდარ გლეხს, ალფიოს ცოლათ ჰყავს ლამაზი, მაგრამ ხასიათ წამხდარი ქალი, რომელიც წინეთ მეორე გლეხის,—ტონიოს საყვარელი იყო; ეს ალფიომ არ იცის და თავისი ცოლი გაგიჟებით უყვარს. ტონიო, სოფლის დონ-ჟუანი, კავშირს იჭერს სხვასთან, რომელიც მდიდარი ბუნების პატრონი ქალია; ტონიო მის მოშორებასაც ცდილობს და ისევ პირველ თავის საყვარელს, ალფიოს ცოლს უბრუნდება; სასოწარკვეთილებაში მყოფი სანტუა (მეორე გოგო, რომელსაც—მოტყუებულს—ეზლა ტონიო მიტოვებას უპირებს) ამას ალფოსს უმედავენის. ალფოსი ტონიოს დუელში იწვევს და კლავს. ამ უბრალო, მარტივ სიუჟეტში ჩასხმულია ისეთი მუსიკა, რომლის მოსმენა ნამდვილი სიამოვნებაა, აქ მუსიკა ხან სტირის, ხან იცინის; ის ცხოვრების, სინამდვილის ხმების ჰარმონიული შეზავებაა, მისი ამონაკენსია.

„პაიაცი“: მოთამაშე კანიოს,—„კლოუნს“ გაგიჟებით უყვარს თავისი ცოლი—ნედა, რომელსაც ლამაზი გლეხი—სილიო მოსწონს; კანიო საშინელი ექვიანი ადამიანია. ნედა კანიოს ამხანაგს—ტონიოსაც, საშინელ მახინჯს—უყვარს; როდესაც ეს უკანასკნელი პირველს თავის გრძნობების შესახებ ელაპარაკება, ნედა მას დასცინის და სილასაც გაარტყამს; ტონიო მას სამაგიეროს უბდის: როდესაც სილიო და ნედა ერთად არიან, ტონიოს მოყვას კანიო. ეს—გაგიჟებული—თავის ცოლის საყვარელს გამოეკიდება, მაგრამ ვერ მიწვდება; მისი ცოლის მოსაკლავათ მას ამხანაგები არ მიუშვებენ, რადგანაც ეუბნებიან ისინი: „დღეს წარმოადგენა არის“. წარმოადგენა იმავე შინაარსის არის—შემთხვევით,—როგორც კანიოს თავზე დატრიალებული უბედურება—სინამდვილე. კანიო სცენას ივიწყებს, სინამდვილე აგონდება, კლავს ცოლს და მის მოსარჩლე სილიოსაც. „პაიაცი“, როგორც მუსიკალური ნაწარმოები ბევრათ მალლა დგას „სოფლის პატიოსნებაზე“; კანიოს გულის ტირილი, მისი კვნესა-ვაება და გარეგნული სიცილი, როგორც „კლოუნის“, „ხალხის“ სამხიარულოთ, მისი ექვიანობა,—თითქმის ყველა ამათ შესახებ გესაუბრებოდეს მუსიკალური ინსტრუმენტები, ისეთ შთაბეჭდილებას სტოვებს ხოლმე საბრალო „პაიაცის“ ისტორია. შესრულება „პაიაცის“, როგორც მუსიკის, ისე თამაშის მხრივ, კარგი იყო.

ორი სიტყვა **ბ-ნ ფალიაშვილზე**; მისი ლოტბარობა შესანიშნავი იყო: ზოგიერთ ალაგას ლეიპციგის დიდებულ ლოტბარს, ნიკიშს მომაგონებდა ხოლმე; ეტყობა ამიმაღლებული აქვს მკვირცხლი ნიკი და მტკიცე მუსიკალური ტემპერამენტი, რაც აუცილებელი საჭიროა ყოველ კარგ ლოტბარისათვის.

მ.-წილი.

ავეჯალის აუდიტორია.

„ქალაქში“, დრამა 4 მკჱ. იუშეკეიხისა.

პროსტიტუცია—თანამედროვე კაპიტალისტური საზოგადოების ერთი დამახასიათებელ თვისებათაგანია, ეს მისი თანდაყოლილი სენია. სადაც პირველია, იქ აუცილებლათ მეორეც არის. რუსეთში ამის გაჩენა კარგა ხანია აღინიშნა. იუშეკეიხიც სწორეთ ამ ბოროტებას ეხება თავის „ქალაქში“, იმ განსხვავებით, რომ მას აღნიშნული აქვს ამ „სენის“ ახალი ფორმა. ეს არის—თვით დედის მიერ ძალდატანება, იძულება თავის შვილებზე, რომ ეს უკანასკნელები ამ გზას დაადგენ...

იუშეკეიხის აღებული აქვს გლანკის (ბ. რომანიშვილი) ოჯახი. გლანკს ყავს ცოლი დინა (ქ. რომანიშვილი) და ორი ქალი: სონა (ქ. გოგოლაშვილი) და ევა (ქ. ანდრონიკაშვილი). თითონ გლანკი მოხუცი კაცია და არავითარი უნარი არა აქვს ოჯახის მართვისა. სამაგიეროთ, მთელი ოჯახი ხელთ უჭირავს დინას და თავის ნებაზე ატრიალებს როგორც ქმარს, ისე თავის შვილებსაც. დინამ იცის, რომ მას „ცხოვრება უნდა“ და ამ „ცხოვრებისათვის“ ის აიძულებს თავის ქალს—სონას, რომ წავიდეს იქ, სადაც ფულს აძლევენ... რამდენი კვნესა, რამდენი ტირილი, რამდენი წინააღმდეგობა, მაგრამ... ბოლოს მაინც სონა მსხვერპლი ხდება გარყვნილების...

დინა არ კმაყოფილდება ერთის დაღუბვით და უნდა მეორე ქალი—ევაც ამ გზაზე დააყენოს, მაგრამ უკანასკნელი არჩევს უმაღლ თავი მოიკლას, ვინემ გარყვნილებას მიეცემოდეს.

სონას შვილი ჰყვება! დინამ იცის, რომ შვილიანი ქალი არ გამოდგება გასაყიდად და აი, ისიც ხელიდან აცლის მას შვილს და სასიკედილოთ აძლევს მაშკის, ქალს, რომლის დანიშნულებაც სწორეთ ამ „უკანონო“ შვილების ხოცვაა!..

პიესის ავტორი შეუჩერებლივ დასტრიალებს გლანკის ოჯახს და საოცარი, გულის ამღვრევი სცენებით გვისურათებს დინას გარყვნილებასა და გათახსირებას!..

ჩვენ შეგვეძლო მიგვეთითებინა, პიესის ზოგიერთ ნაკლულევანებზეც, მაგრამ ადგილის უქონლობა გვაიძულებს, თავი დავანებოთ. ყოველ შემთხვევაში, ის კი ექვს გარეშეა, რომ საზოგადოთ დედა ძარღვი, რომელიც საფუძვლათ უდევს პიესას, სწორია, სინამდვილეა და ერთიანთ დამახასიათებელია არსებულ სოციალურ უკუღმართობის...

ასრულების შესახებ უნდა ვსთქვათ, რომ თუ პიე-

სის სიძნელეს მივიღებთ მხედველობაში, ასეთი შესრულება მოულოდნელიც იყო. მართლაც, ყველა ქალუბის როლები ძნელი და პასუხ საგებია, მაგრამ ეს სიძნელე ძლეულ იქნა და საზოგადოებაც კმაყოფილი დარჩა. დანარჩენ მოთამაშეებში ყურადღებას იქცევდა ბ-ნი რომანიშვილი. სამაგიეროთ, ბ. X, ბეერის როლში, ძალიან სუსტობდა. სხვები ჩვეულებრივ ხელს უწყობდენ პიესის მიმდინარეობას. აქვე უნდა აღვნიშნოთ, რომ ქ. მ. ჩაგუნავა, რომელიც ელკას როლს თამაშობდა, განსაკუთრებული ყურადღების ღირსია. კარგ პირობებში ის ქართული სცენის ერთ-ერთ სერიოზულ ძალათაგანი იქნება.

წარმოდგენას საზოგადოება საკმაოთ დაესწრო. წეს-რიგი წინანდელთან შედარებით სუსტი იყო. წარმოდგენის დროს ხშირათ სკამებზე დგებოდნენ. ეს ცუდი ნიშანია და აუცილებლათ უნდა მიექცეს სათანადო ყურადღება.

პარნასი.

სომხური წარმოდგენა.

ორშაბათს, 20 სექტემბერს, არტისტულ საზოგადოების თეატრში, სომხ არტისტთა დასის მიერ წარმოდგენილ იქნა ცნობილ ბელეტრისტის—შირვანზადეს ახალი ნ მოქმედებიანი დრამა—„ნანბრევეზე“. პიესა იდეის მხრივ დიდს არაფერს წარმოადგენს, თუმცა რამდენიმე ცვლილების შემდეგ გამოდგება სცენისათვის. პიესაში წამოყენებული არიან ორი კატეგორიის პირები; ერთი მათგანი, ფრანგულიანი ეკუთვნის ძველ ვაჭართა იმ კატეგორიას, რომელსაც, კონსერვატიზმით გაქლენილს, არაფერი ახალი არ უნდა შემოიღოს არც ვაჭრობაში და არც კერძო ცხოვრებაში.

მეორე—აღაველიანი—სრულიად ამისი წინააღმდეგი ტიპია. მას უმსახურნია დიდ ხანს პირველთან და თუმცა მისი ხელქვეითი ყოფილა, შეუსწავლია სავაჭრო საქმის ევროპიულის სისტემით წარმოება და უმთავრეს მნიშვნელობას აძლევს ინდუსტრიას. პიესის სიუჟეტი ბაქოს ცხოვრებიდან არის აღებული და თავდება იმით, რომ ფრანგულიანი კოტრდება და აღაველიანი კი საქმეს უმჯობესებს.

დრამაში უმთავრესი—ფრანგულიანის შვილის—ლეონის (ზარიფიან) როლია, რომელსაც დიდ ქალაქებში ცხოვრებით, გაუფუჭებია თავისი ახალგაზრდობა და დაავადმყოფებულა ავი სენით. ის ყოველთვის ჩივის ცხოვრების წინააღმდეგ და იმდენათ იტანჯება, რომ წინადადებას აძლევს თავის მეგობარს, ექიმ ადელბეგიანს, მოსწამლოს იგი; მაგრამ მეგობარი ექიმი ამაზე უარს ეუბნება ბოლოს ლეონი ვეღარ უძლებს ავადმყოფობას და თავს იკლავს.

ბ-ნი ზარიფიანი ამ როლში შესანიშნავი იყო. კარბათ შეასრულეს თავიანთი როლები ბბ. ჰარუთიუნიანმა, ვანშარმა, ავეტიანმა. მშვენიერი იყო თავის როლში ქ. ადამიანი. ქქ. მელიქიანმა, გულზიანმა და არაქსმა დასაკმაყოფილებლათ დასრულეს თავიანთი როლები. კარგი იყო აბრეთვე ბ. მაშკონიანი ექიმი ადელბეგიანის როლში.

ცხადია, რომ ბ-ნ ჯაფანკიანის რეჟისორობით დასი კარგათ ითვისებს, თუ რა მოვალეობა აწევს მას საზოგადოების წინაშე, თუმცა, სომეხი საზოგადოება იმავე ინდუფერენტისმში არის და არც ვბონებთ ჯერ-ჯერობით აპირებდეს ლეტარგიულ ძილიდან გამოღვიძებას.

თეატრი ნახევრათ ცარიელი იყო. შემდეგი წარმოდგენა იქნება 27 ოქტომბერს. ითამაშებენ მ. გორკის „ნაძირალნი“-ს.

Artemius.

პ რ ო ვ ი ნ ც ი ა .

ს. მანდიკორი (ტყიბულის საბოქაულო—იმერეთი).
საერთოდ ოკრიბა მდებარეობით ნოყიერი არ არის და ამიტომ მოსავალიც არ მოსდის გლეხს წლის სამყოფი. ამ სოფელში შიმშილობით დიდი გაქივრებული არიან. რაც უნდა კარგი მოსავალი იქნეს, 8 თვის მეტათ არ გაყვება ხოლმე. ოთხ თვეს გლეხი ყიდულობს სიმინდს, გადასახადი კი იმდენია აქეთ, რაც კარგ მოსავლიან ალაგების პატრონებს. რაც შეეხება სწავლა-განათლებას, ის ძალიან დაბალი საფეხურზეა: ოთხ-ხუთ სოფელში არსად სკოლა არ მოიპოვება, რომ ამით ბავშვებმა ხელის მოწერა მაინც ისწავლონ. მთელ 150 კომლში ვერ ნახავთ 30 კაცს, რომ ხელის მოწერა იცოდეს. მის მაგიერ, რომ ამისთანა გონებრივად და ნივთიერად დაცემულ საზოგადოებას გამოუჩნდეს ვინმე გულშემატკივარი და დააყენოს სწორ გზაზე. ზოგიერთები ეუბნებიან ხალხს, რათ გინდათ სწავლა განათლებაო...

ამისთანა სოფელში მღვდელი დიდ როლს თამაშობს. და იმის მოვალეობაა შეაგონოს ხალხს სწავლის საჭიროება, მაგრამ, როგორც ამბობენ, ის თურმე წინააღმდეგს ურჩევს ხალხს.. არიან სხვა ისეთი პირებიც, რომელთაც შეუძლიათ ასეთს საზოგადოებას დახმარება გაუწიონ, როგორც ქონებრივად, ისე ზნეობრივად, მაგრამ ეს ბატონები ხალხის განათლების საქმეს გულგრილად უტკეპიან, საზოგადოებრივი მათ არაფერი არ აინტერესებთ და მხოლოდ პირადი ინტერესებით არიან გატყუებული. საჭიროა ამ სოფელს გამოუჩნდეს ვინმე გულშემატკივარი და მიაწოდოს ხალხს გონებრივი საზრდო.

მოდარაჯე.

წერილი რედაქციის მიმართ.

ბ. ა. ცინცაძის საპასუხოთ.

ბაზეთ „ჩვენი კვალის“ № 14-ში მოთავსებულია ბ. ა. ცინცაძის წერილი, ა. ლომთათიძის წერილის გამო. ბ. ა. ცინცაძე უპასუხებს ა. ლომთათიძეს და სხვათა შორის დასძენს, „მე მართა ლომთათიძესთან კი არა მაქვს საქმე, არამედ ზუთივე ჩემ გამგებთანა“, რიცხვთა შორის მასახელებს მეც. მე არ გამაუდგები იმას თუ რანდენათ სამართლიანია, ბ. ცინცაძის მიერ, გამგების სასამართლოში გაწვევა, მხოლოდ, საზ. უნდა გაუწყოს რომ, ბ. ცინცაძის და გამგებს შორის შემდგომ სასამართლოში მე არ მიმიღია მონაწილეობა, რადგანაც არ ვცნობდი საჭიროდ, არც დღესა მაქვს სურვილი და არც შემძლია დავეთანხმო მის წინადადებას, ეს იმიტომ კი არა თითქმის მე მტყუანი ვიყო და გაურბოდე სასამართლოს, სულაც არა, აი საქმე რაშია: მე მართალია ვმსახურებდი ბ. ცინცაძეს და მეზარა რამდენიმე თვეს ფინანსური ფუნქცია. ბ. ცინცაძე ცოტას ფულზე სუსტობდა, მუშებს ვერ აკმაყოფილებდა თავის დროზე, რის შემდეგ გაავრცელა ჩემზე უბრალო ცილის წამება, თითქმის მე ასე თუმანი მისი

გამეფლანბოს, რამდენიმეჯერ წინადადების მიცემის შემდეგ ძლიერ დაფითანხმე ბამყოლოდა სამედიკატორო სასამართლოში, სადაც მე გავმართლდი და მის მიერ წამოყენებულ ბრალდება იცნეს უბრალო ცილის წამებათ. მართალია, ის ამ სასამართლოს წინააღმდეგ წავიდა და „დობირაში“ გადაწყვეტილი უწოდა, მაგრამ ამის შემდეგ მე ვმუშაობდი უბრალო „რიადავო“ პრიაშკა-კათ და ბოლომდის თითქმის კარგი განწყობილება გვქონდა; არც იმ ბრალდებაზე გამიბონია რამე, ახლა კი სხვებთან ერთად მეც მთხოვს ანგარიშს, რაც უკვე ჩვენ შორის გათავებულია. ახლაც თუ იმასვე ამბობს. — „დობირაში“ გადაწყვეტილი იყოფა და არ სცნობს კანონიერად, ეს მე არ ვიცი, სულის გადაწყვეტილებას ორივე მხარე უნდა დავმორჩილებოდით, და თუ ბ. ცინცაძე არ არ ემორჩილება, და „დობირაში“ გადაწყვეტილს უწოდებს, ეს ჩემთვის კანონი არ არის, რაც შეეხება ფულების გაფლანგვის ბრალდება, ზემოაღნიშნულ ამხანაგებზეც, ესეც ცილის წამებაა, მაგრამ თუ მაინც და მაინც ბ. ცინცაძე ამას არ იშლის, ჩემთან მაინც არაფერი საქმე არ აქვს, და საზოგადოება ნუ შეყავს შეცდომაში.

იაგორ ჭელიძე.

ჩ ე დ ა ქ ც ი ი ს ა ზ ა ნ :

ჩვენი გაზეთის მე-25 ნომრიდან დაიწყება ბეჭდვა იმ. მომართმელის პოპულიარულ წერილებისა:

უტოპისტიები და მარქსის მოძღვრება

ვ ი ნ ც „ჩ ვ ე ნ კ ვ ა ლ ს“

წასული თვეების ნომრებით, ან მხოლოდ პირველი სექტემბრიდან გამოიწერს წლის ბოლომდე, მიიღებს პოპულიარულ სამეცნიერო სტატიებისა და მოთხრობათა

პრეზულს

რომელიც დაახლოებით შეიცავს 200 გვერდს.

ჩ ვ ე ნ ი კ ვ ა ლ ი

წასული ნომრებით წლის ბოლომდე ღირს — — 3 მან.
სექტემბრიდან — — — — — 2 „

ხელის მოწერა მიიღება თბილისში—რედაქციაში; ქუთაისში—კანტორა „იმერეთში“. ქუთათურ ხელის მომწერთ გაზეთი პრემიით დაურიგდება კანტორა „იმერეთში“

თიფლის. Редакция «Чвени Квали». Ванкская ул.
№ 12. Рахиль Каландадзе.

რედაქტორ-გამცემი იოსებ ბარამაშვილი.